

PLOANIES DA SAN MARTIN Y LUNGIARÜ

Dô i 10 agn dala mort ne desson nia plü ordené “**mësses dl ann**” por i defunç; cajomai mësses scëmples da mort.
le Ploan

Düc é dër bel invia al **Cianté de Carsëma y de lalt** a S.Ujöp y a Beat Josef Mayr-Nusser, en domënia, ai 19 de merz, dales 16.00, tla dlijia da Lungiarü. Al cianta le Cor de dlijia da La Val, le Cor de dlijia da S. Martin, le Cor de dlijia da Lungiarü y le Cor dles eres d’Al Plan. (organisé da E.p.L. seziun cors de dlijia)

En sabeda, ai 25 de merz, él a Badia les **Staziuns dla Schira Jonila y di Sorvidus**. I s’incuntun dales 14.45 a Badia (dan calonia) y jun por le tru dles Staziuns sò Oies, dailó Mëssa dales 16.00, che gnará ciantada dal cor di sorvidus da Lungiarü. Dedô pô duc sté jö bas ite n pü’ adöm pro n pice renfrësch. Düc é dër bel invia da to pert.

Le Consëi Decanal dla **Uniun dles Ères rengraziëia** dl’oferta de 1.436 € gnüda ite sò Oies por les ères filipines por 3 proieci che é gnüs chiris fora. N gran dilan por la partezipaziun ala liturgia y por la solidarité desmostrada por nostes sorus filipines.

PLOANIA DA SAN MARTIN

La Uniun di Èi invieia dër bel duc i èi al **batadü di èi** en sabeda ai 18 de merz dales 19.30 tl salf di stödafeuch. En domënia, ai 19 de merz, é duc invia ala gran mëssa ch’i tignun sciöche **mëssa dla uniun y dedô ala istruziun** por i èi cun siur Pio Daprè.

Ince por l’ann 2017 Ves periunse indô dër bel da paié ite cina ala fin de merz le **contribut por la cöra** de 40,00 € por vigni porsona che á compli 18 agn (tuc fora studënc y studëntes) söl cunt dla cöra: IBAN IT 11 J 08010 58830 000304004922.

PLOANIA DA LUNGIARPÜ

La Uniun di Omi invieia bel ala Mëssa dla Uniun en onur de Sant Ujöp en sabeda sëra, ai 18 de merz, y dedô al referat tl salf dla scora sura le beat Josef Mayr-Nusser.

Aziun dles primoles: En domënia, ai 19 de merz, do messa, vëgnel venü ti paisc de San Martin, Lungiarü y Antermëia sön plaza de dlijia ciuf por la “Südtiroler Krebshilfe”.

En jöbia, 16 de merz, s’incunta indô le **grup de tēmp lēde Atmosfera** por ères y èi atocá da problems psichics sot al tema “Les staziuns” cun na meditaziun. La mostra “Les Staziuns”, arjignada ca dales partezipantes dl grup Atmosfera, dai assistis d’La Spona, dal Grup terapia dl’ert cun Irina Tavella, é da odëi cina en Vëndres Sanc tl’entrada dl Raiun Sozial a Picolin. I s’incuntun dales 15.30 cun Irina Tavella y Barbara Rungger tla sēnta dl Raiun Sozial a Picolin. Info pro Sabine Rainer 0474 524 519. Vignun/öna é dër bëgnnüs y é bel invia/ades.

Al vëgn lascé alsavëi ch’al é ciamó posé lēdi por le **iade/peregrinaje te Paiern** söl lech de Starnberg y ti bi posc y santuars inciëria, organisé dal K.V.W. Val Badia dai 24 ai 27 d’auri. Info pro Hilda Sottara 0474 523 133 o 338 92 31 013.

Les iscriziuns ala Scora de musiga por l’ann de scora 2017/2018 vëgn tutes sò tratan döt le mëis de merz. I formulars ciafon tl secretariat dla Scora de musiga a La Ila o te internet (sot a www.musikschule.it). Informaziuns 0471 847 748.

La Uniun di Paur s tēgn le “**Traktorauffrischkurs**” en dedolōnesc, ai 21 de merz, dales 8.00 – 12.00 y dales 13.00 – 17.00 tl local di Stödafeuch a S. Martin. Prenotesse por telefon 0471 999 455 o sot ala misciun weiterbildung@sbb.it y dede dant l’inom, la data y le post de nasciüda, la misciun, le codesc fiscal y le numer de telefon.



www.unitepastorla.org

Plata dles Ploanies San Martin y Lungiarü



siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

12.03.17 – 19.03.17 nr. 16

termo da publiché: jöbia 20.00
radio: 90,40 / 93,70

2ª DOMÈNIA DE CARSÈMA - A

Vangele: Matü 17,1-9

Y al é gnü trasfiguré dan sü edli; so müs lominâ sciöche sorëdl y sü guané é gnüs blanc adorbené sciöche la nëi.

Te n iade é aparì Mosè y Elia dan da d’èi y ai baiâ cun Gejù.

Dailò ti à Pire dit: Al é bun ch’i sun chilò.

Sce t’ôs, fajarai sò chilò trëi üties,

öna por tè, öna por Mosè y öna por Elia.

Ćiamò tratan ch’al baiâ,

él stè n nio lominus che i à curì cun süa ambria.

Y fora dl nio à scraié na usc:

Chësc é mi Fi bunorü, te chël ch’i à ciafè plajëi;

ascutédele!

Canche i discepui â aldì chësc,

i ciafè na gran tēma y s’à petè col müs ia por tera.

Dailò ti é Gejù jü pomez, i à pié ite y ti à dit: Lovede sò y ne ede nia tēma!

Ai discepui ti vëgnel scinché n’esperienza demorvëia.

Ia do l’aparēza umana vëighi la divinité lominosa de Gejù.

Y ai vëiga dui de gragn profec dl Testamēt Vedl, tan vëi, che Pire oress ti fá sò trëi üties, scemia che süa patria é tl cil.

Mo i discepui se tēm y ne s’infiga nia da ciarè sò.

Gejù vëgn, i azica y i dëida sò: „Ne ede degōna tēma!”

Chësta é l’esortaziun zentrala ch’i aldiun da Gejù dan y do Pasca.

Chësta é na consolaziun por duc

chi che vëgn adorba dala tēma y tignis jö dala desperaziun.

Gejù nes azicarà, nes baiará ados, nes daidará y nes tolará sò.

I gnarun trasfigurá sciöche èl,

por che nosta dërta natōra y nosta destinaziun vëgnes a lōm.



	SAN MARTIN	LUNGIARÛ	UNITÉ PASTORALA  AZIUN CARSÈMA 12 – 19 de merz „Fá para! A ci podessi pa renunzié“  L'Unité Pastorala Val Badia inviëia vignun y vignöna a fá deplü fora dla Carsëma. Jon fora da na Parora dl vangele dla domënia metunse dant edema por edema na proposta concreta por valorisé danü la ligrëza y la speranza liada ala Buna Noela. Les esperiënzes pó gní partides cun i atri, les publican sön la plata facebook (Gruppe: Aktion Verzicht) o internet (www.aktion-verzicht.net) Azion:  „Ne stede a ti _____ cunté a degügn ci ch'i èis odü cina che ... (Matf 17,9) En chëst'edema (y nia ma) ti vâi sot ales informaziuns ch'i dá inant. Cun mies parores pói fá tröp de bun. ----- Intenziun dl Papa por le mëis de mërz <i>I periun por i cristians porseghitá tichiná, pará demez da sües ciases y en pert ince martorjá y copá – I periun ch'ai vëgnes daidá cun la oraziun y cun l'aiüt material de dōta la Dlijia.</i> Incorajamënt - 2ª Domënia de Carsëma <i>Momënc de trasfiguraziun: canche la parora de Dî me vá a cör; incuntades cun jënt che me lascia odëi le lominus de Dî; momënc olach'i sinti, che Chël Bel Dî operëia ince te chël tant che iö prô da fá.</i>
12.03.17 2ª DOMËNIA de Carsëma - A	9.00 Staziuns 9.30 Gran Mëssa dla Comunité	7.55 Staziuns en recort de Guido Clara y Confesciuns 8.15 Gran Mëssa dla Comunité	
13.03.17 Lönesc <i>Iudith, Paulina</i>	20.00 Cërtil dl Bibla te calonia a San Martin	17.00 Staziuns 20.00 Cërtil dl Bibla a San Martin	
14.03.17 Dedolönesc <i>Matilda, Conrad</i>	15.30 Mëssa a Picolin + Alfred Videsott + Frida Prada	7.30 Zelebrazium dla Parora de Dî	
15.03.17 Dedemesaledema <i>Klemens M. H., Luisa</i>	19.30 Staziuns	7.50 Mëssa di scolars + Scimun Mischi + + + Pire, Linda, y Gabriele Clara, Mair	
16.03.17 Jöbia <i>Herbert, Ilare</i>	7.30 Mëssa fam. de Tone Gasser + Giovanni Sorà + Erich Ties Corona por vocaziuns 10.00 Öre Sant tla Ciasa de Palsa		
17.03.17 Vëndres <i>Gertrud, Patrich</i>	18.30 Adoraziun chita 19.00 Devoziun de Carsëma y Confesciuns	7.30 Mëssa + + Giovanni y Sabina Clara + Maria Daporta, Grones	
18.03.17 Sabeda <i>Ziril, Eduard</i> Festa de beatificaziun de Josef Mayr-Nusser dales 10.00 tl Dom da Balsan	15.30 Mëssa tla Ciasa de Palsa 18.30 Mëssa prefestia de rengraziam. fam. Hubert Prousch + Maria Unterweger + Notburga Pedevilla Ferdigg + Franz Frenner, Jënder	20.00 Mëssa prefestia en onur de Sant Ujöp por la Uniun di Omi + + dl Caizer + + Vito y Vittoria dedô Referat tl salf dla scora por i ëi sura la vita dl beat Josef Mayr-N. cun siur Pio Dapré	
19.03.17 3ª DOMËNIA de Carsëma – A Rengraziamënt dla beatificaz. tl Dom da Balsan dales 15.00	9.00 Staziuns 9.30 Gran Mëssa dla Comunité en onur de Sant Ujöp por la Uniun di Èi dedô Istruziun por i ëi sura la vita dl beat Josef Mayr-N. cun siur Pio Dapré	7.45 Confesciuns 7.55 Staziuns ciantades dal cor 8.15 Gran Mëssa dla Comunité en onur de Sant Ujöp	